



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXXVII. Quod Superiores Congregationis S. Benedicti, ac etiam
Monasteriorum Sublaci, ac Farsæ cæterique Monachi non accedant
Romam absque licentia Abbatis SSancti Pauli, ac Procuratoris Generalis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Christo Patri, & Domini N. D. Alexandri Divina Providentia Papae VII. Anno ejus octavo, supra dictum Breve affixum & publicatum fuit ad valvas Basilicae Lateranensis, ac Principis Apostolorum de Urbe, & in acie Campi Florae, ac aliis locis solitis, & consuetis Urbis, per me Carolum Franceschinum Sanctiss. D. N. Papae Cursorem, Jo. Antonius Bertarellus Curs. Mag.

CXXVII.

Quod Superiores Congregationis S. Benedicti, ac etiam Monasteriorum Sublaci, ac Farsae caeterique Monachi non accedant Romam absque licentia Abbatis Sancti Pauli, ac Procuratoris Generalis.

Edita An. D. 1662.

ALEXANDER PAPA VII.

Ad futuram rei memoriam.

Exordium.

AD Apostolicam dignitatis fastigium meritis licet imparibus, divina dispositione erecti, illis quae pro decoris Monastici, disciplinaeque regularis conservatione provide constituta esse noscuntur, libenter cum a Nobis petitur Apostolici muniminis adjungimus firmitatem.

§. 1. Exponi siquidem Nobis nuper fecit dilectus filius Jacobus Romanus Procurator Generalis Congregationis Cassinensis Ordinis S. Benedicti, quod dilecti pariter filii Praesidens Generalis, & Visitatores dictae Congregationis in eorum Dieta Ferrariae nuper celebrata Decretum ediderunt tenoris qui sequitur, videlicet, Salutaribus monitis Eminentissimi D. Cardinalis Barberini Congregationis nostrae Protectoris, quibus pro eorundem observantia cum suis particularibus literis sub Dat. Romae die 19. mensis Aprilis proximae elapsi Dietae Capitulari directis enixe instituit, ut par est, obtemperare volentes omnibus, & singulis Congregationis nostrae Praelatis, etiam Monasteriorum nostrorum Sublaci, Farsae, ac Monachis cujuscumque conditionis prohibemus, & penitus interdiciamus, a nostris Constitutionibus non recedentes, accessum ad Urbem quovis praetextu, absque licentia prius in scriptis a Reverendissimis P. P. Abbate S. Pauli de Urbe, & Procuratore Generali in Curia pro tempore existentibus obtenta.

Debent incedere per Urbem cucullati.

§. 2. Nullique supradictorum post eundem accessum ad Urbem liceat alibi etiam in domibus saecularium propinquorum, praeterquam in Monasterio S. Calisti sese recipere, commorari, & multo minus juxta easdem Constitutiones nostras pernoscere, sub poena suspensionis a quocumque gradu ipso facto ab omnibus incurrenda; isdem pariter in virtute sanctae obedientiae praecipimus, ut associati, & omnino cucullati per Urbem incendant, ne gradus Abbatialis, & Monasticus, ex dimissione sui dignioris habitus, debito honore privetur. Quae omnia tam in alma Urbe, quam in aliis insignioribus Civitatibus, praecipue Neapolis, & Panormi observanda esse decernimus.

Confirmat prout in rub.

§. 3. Cum autem sicut eadem expositio subjungebat, d. Jacobus Procurator Generalis Decretum hujusmodi quo firmius subsistat, & servetur exactius Apostolicae confirmationis nostrae patrocinio communiti plurimum desideret. Nos ipsum Jacobum Procuratorem generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure vel ab homine quavis occasione, vel causis, si quibus quomodolibet innodatus extiterit ad effectum praesentium dumtaxat consequendum, harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinati Decretum praesentium auctoritate Apostolica, tenore praesentium confirmamus, & approbamus, illique inviolabilis Apo-

stolica firmitatis robur adjicimus, ac omnes, & singulos juris & facti defectus si qui desuper quomodolibet intervenerint, supplemus.

§. 4. Decernentes eandem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit, inviolabiliter observari, sicque in praemissis per quoscumque Judices Ordinarios, & Delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter vel ignoranter contigerit attentari.

§. 5. Non obstantibus praemissis, ac Constitutionibus, & Ordinationibus Apostolicis, necnon quatenus opus sit praedictorum Ordinis, & Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenore pro plenè, & sufficienter expressis, ac de verbo ad verbum insertis habentes, illis aliis in suo robore permanentibus ad praemissorum effectum hac vice dumtaxat specialiter, & expressè derogamus, caeterisque contrariis quibuscumque.

§. 6. Volumus autem, ut earundem praesentium literarum transumptis, etiam impressis, manu alicujus Notarii publici subscriptis, & sigillo personae in dignitate Ecclesiastica constitutae munitis eadem prorsus fides in judicio, & extra adhibeatur, quae praesentibus ipsis adhiberetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 26. Septembris 1662. Pontificatus Nostri Anno octavo.

Quod spolia defunctorum Canonicorum Regularium Sanctissimi Salvatoris Procuratori Generali ejusdem Congregationis omnino applicari debeant.

CXXVIII.

ALEXANDER PAPA VII.

Ad futuram rei memoriam.

LIAS pro parte tunc existentis Abbatis Generalis Congregationis Canonicorum Regularium S. Salvatoris Congregationi tunc existentium S. R. E. Cardinalium negotiis, consultationibus Episcoporum, & Regularium praepositorum exposito, quod ipse juxta mandatum dictae Congregationis Canonicorum Regularium Venetiis anno superiore 1649. celebrato una cum Diffinitoribus Decretum ediderat quod spolia defunctorum Canonicorum Regularium Congregationis hujusmodi transmittentur a praelatis localibus ad Procuratorem Generalem ipsius Congregationis ad effectum solvendi debita Cameralia Monasteriorum particularium & his deficientibus publica Religiosis Romae contracta cum Montistis, & censuariis, quodque Decretum hujusmodi ab ipso Abbate Generali, & Diffinitorio in Dieta eo anno Florentiae habita etiam renovatum, & plenissime confirmatum, ac a multis exactè observatum, & praeticatum fuerat, sed nonnulli alii renitentes erant, illique parere recusabant, sub vanis praetextibus, & subterfugiis allegantes dictum decretum Constitutionibus Apostolicis, ac decretis praedictae Congregationis Cardinalium, & Sacris Canonibus adversari licet nihil super ea re producerent.

§. 1. Ideoque pro parte dicti Abbatis Generalis memoratis Cardinalibus supplicato, ut praedicti Decreti observationi opportunè providere, emanavit ab eorundem Cardinalium Congrega-

Decretum Sac. Cong.

tione

Decretum irritans.

Contrariis derogat.

Transumptorum fides.

Dat. P. A. & die 26. Sept.

Edita An. D. 1662.

Motiva.